

EBC KUMSIM KHAWMPI 68NA OMDING

Amun: Gospel Centenary Hall, New Lamka

Ahun: December 8-11, 2016

Thupi : - "Diktatna a kilamthakna"

Thugentu : **Rev. Dr. Solomon Rongpi**

General Secretary, CBCNEI

Bible Study : **Rev. Kumam Suresh Singh**Asia Co-ordinator of Partners in Discipleship
InternationalTutung Khawmpi 68na Vaihawm Uliante

Chairman : Upa M Ginzalian

Vice Chairman : Upa Lalthanghlun Guite

Rec. Secretary : Upa M Thanglianmang

Asst. Rec. Secy. : Upa H Kam Suanthang

Hiai hun ah I saptuam apan palai va kihel dingte:
Pastor N Tuang Lang, Pastor H Biakson, Upa Dam
sawmthang, Upa Kam Suanthang, Upa Khamkhan
pau, Upa Thianzakham, Upa Thangkhsiam, Upa
Tuanmuanthang, Upa Khamgoupau, Upa Chinsum,
Upa Dr Langkham

**DORCAS JOINT FELLOWSHIP – cum- ADVANCE
CHRISTMAS 2016 PROGRAMME****AMUN** : Pa K. Ginkhanthang' Quarter
(Hno-N.196, R.K. Puram Sec-8)**AHUN & ANI** : 10.12.2016 (12noon to 4Pm)*Hunkemtu* : Nu Ruth K. Ngaihlu*Khuangpu* : Nu Khamkhochiin leh Nu Chingkhosam

Hun pantu : Nu Niangkhaman

Special no : Nu Florence leh Nu Lydia

Thugenna : Nu Pastornu Biaklun

Special no : Nu Biakmawi

Sharing : Nu Niangkhamniang

Special no : Nu Neihkim

Sharing : Nu Ngaihpi

Lenkhawm kidemna (Bialchih apan)
: Pitu Nu Nemkhanmawi

Kipathu genna : Nu Manlian

Lasak /Lenkhawmna : Khuangpute makaih in

Hunkhakna :

> Hiai hun in annex khomna omlou in heavy refresh
ment a om ding. > Hunkemtu in a poimoh bang in
programme a kheng lamdang thei ding.

NIPINI NAWN BIAKNA HUNZEK

December 11, 2016

9:30am - Counselling Hun**11:00AM - ZINGLAM BIAKNA KIKHOP***Biakna Pitu* : Upa T Thiankhanmuan*Pathian' Phatkhamna* : WT makaih in.*Thumkhamna* : Mipi*Thilpiak/Latna* : Upa T. Gou Khangin*Open Sharing* :*Pathian' Phatkhamna* : WT makaih in.*Hunkhakna & Vualzawlina* : Upa Ngulminthang**2:00PM - SUNNUNG BIAKNA KIKHOP***Biakna leh Phatna* : WT makaih in*Thilpiak Latna* : Upa T Thiankhanmuan*Thugenna* : Upa Ngulminthang**Thupi: DIKTATNA ZIAK A THUAKNA LEH HAMPHATNAE***Phatkhamna* : WT makaih in*Hunkhakna/ Vualzawlina* : Upa T Gou Khangin**OPEN SHARING**

Toupa hunpha hon muhsak lamen in Nisim
11.12.2016 ZING BIAKNA hun ah Open Sharing
hun hon kisawm hi. Hiai hun ah saptuam mi
kuapeuh mimal testimony, Toupa "aw" zak leh mi
tamzaw in a phattuampih theih ding thu gen/pulak
nop neite na kisakhawl ding in I kizasak khawl hi.

PICHING NIPI SKUL '2016 EXAM KIMTE

(Top 20 tan piak ding chih himahleh Test Exam 3 &
Final Exam kim mi 9 lel om hi)

Sino.	MIN	VENG	TOTAL
01.	JAMBIAKMANG	Delhi Cantt.	399
02.	T. KAMZAPAU	RK Puram	391
03.	T/UPA GINKHANKAM	RK Puram	390
04.	NEM KHANMAWI	Hari Nagar	385
05.	UPA THANGKHOSIAM	RK Puram	382
06.	VUNGBIAKLUN	Nasirpur	379
07.	UPA T. GOU KHANGIN	Hari Nagar	376
08.	T. CHINKHANPAU	Munirka	373
09.	UPA TUANMUANTHANG	RK Puram	358

Piching Nipi Skul test 3vei leh kumtawp exam
gawm - Exam 4 kineite avek a exam a, mark
gawmkhawm a tam mudan a volh hiaibang ahi.

Biakna Kikhop - NIPINI TENG

ZING DAK 11:00 AM

SUNNUNG DAK 2:00 PM

Laisiangthou Bulphuh

Diktatlouhna tengteng
tuh khelhna ahi; sihna
khop hilou khelhna leng
a om sam hi.
1Johan 5:17

PRAYER POINTS

> December kha Nipini masapen a A
vualzawlina toh hon ompih a, Amah
bia leh phat thei a hon omsak Toupa
min phat ni.

> November khasung a Ama gam
adia sep leh bawl, kizatna I neihte
ziak in Amah kia in Thupina tang hen
la, I sepkhelh leh val omte ah
angaihdam na ngen in thum ni.

> Damlouh ziak a Delhi a Hospital
leh immun a kikem I saptuam mi leh
sate ading in Toupa zahngaihna leh
hihdamna ngen zomzel ni.

> BCD Graduation Program zang
khin a, tuni a kumtawp kipahman
hawmna hun TBCD in a zattheih man
un kipathu gen ni.

> Nipini nawn Biakna hunseh
kigelte - Manphatak a I zat theihna
ding in tannei dingte leh mipite Toupa
khut hat a kikemsak ni.

SAPTUAM BANK ACCOUNT DETAIL

"Evangelical Baptist Convention, Delhi"

A/c No. 11084241142

State Bank of India, New Delhi Main Branch,

Parliament Street, New Delhi - 110001,

IFS Code SBIN0000691

Email: finance@ebccdelhi.org leh

Mob. No. 9818687331 ah piakna details

theisak zel le kichian mahmah ding.



Tukum Thupi

DIKTATNA A KILAMTHAKNA

For Private Circulation Only | December 4, 2016

TUNI BIAKNA HUNZEK**9:30am - Anngawl Thumna - Pitu: Pastor****11:00am- ZINGLAM BIAKNA KIKHOP***Pathian' Phatkhamna* : WT makaih in.*Thumkhamna* : Mipi*Thilpiak/Latna* : Upa Thianzakham*Khathak Thumsakna* : Pastor N. Tuang Lang*Thugenna* : Upa Khamgoupau*Pathian' Phatkhamna* : WT makaih in.*Mangpha khakna thugen**& Hunkhakna* : Upa Damsomthang**Tea Fellowship - Singpi dawn a kithuahkhawmna****NIPINI PAITA (27/11/16) A THILPIAK LAKKHAWM**

Nipi Thilpiak -9,015/-; Sawm-a-khat -24,330/-

Missionary Vakna - 6,230/-; GBC Student chawmna - 500/-;

Joint Project (EBC Complex, Delhi)- 2,437/-

2:00pm- SUNNUNG BIAKNA KIKHOP*Biakna leh Phatna* : WT makaih in*Thilpiak Latna* : Upa Ngulminthang*Khathak Thumsakna* : Pastor H Biakson*Thugenna* : Pastor H Biakson*Short Sharing* : Upa Khamgoupau*Phatkhamna* : WT Makaih in*Hunkhakna* : Upa Thangkhsiam**Tea Fellowship - Singpi dawn a kithuahkhawmna****BYF CORNER**

► Tuni Sunnung kikhop tawp in Phatna Lapawl zilna om
nawn ding. Tuailaite tel siausiau ni.

► Advent Christmas Program, Dec. 18, 2016 sunnung
kikhop ah zat hiding. Thumna in phawkzui ni.

► Dec. 31, 2016 MidNight Service om ding.

► Youth Camp, Feb. 16-19, 2017 sung om ding. Thugentu
ding Evan T Damkthothang. Thumna in phawkzui ni.

DIKTATLOUH or THUMANLOUH A LAUHUAI!

*Diktatlounna tengteng tuh khelhna ahi; sihna khop hilou khelhna leng a om sam hi. 1Johan 5:17
Thutak dikloutak a dalte Pathian limsaklounna leh diktatlounna
tengteng tung ah van a kipan in Pathian hehna a hong kilangta ngal a. Romete 1:18*

Simtu Pathian' Saptuamte a masa in tukum a ding a kha nanungpen, December tanpha hon pikai a, Mang pianni leh Kumthak gim hon diiksak Vanglian Pathian min in na vek un chibai kon buk hi. Tutung in I thupi DIKTATNA A KILAMTHAKNA chih pansan mah in, diktatlouh a lauhuai dan leh Pathian in koih maimai lou ahihnan, Lai Siangthou pansan in saulou enkhawm lehang chi'n ka hon gelh hi.

A. Thupiak a diktatlounna/thumanlounna:

Pathian in Amah batpih mahmah a a siam leitung a mihing masapen Adam leh Evi ahi. Aman a mi siamte kiang thupiak khat pia a, huai tuh NE KEI UN chih ahi (Gen 2:17). Adam leh Evi in Pathian thupiak tampi leng hilou khat keleu tung a melma khemna dou zoulou a diktatlouh na a hong puk khak ziaik un a gah a se mahmah mai hi. Pathian leh mihing ahihke'h Van leh lei kikhensak hithet kia thamlou in, mihingte sa leh kha ah sihna tun hi (Gen 3:1-23). Himahleh a vangphat huai mahmah bel Pathian diktatna thilhih in hiai hamsia tengteng apan suahtakna lampi hon bawlsak hi (Rom 3:21-26). **Haleluijah!** Hiai in Pathian thupiak manlouh a huaisiat dan hon sinsak hi.

B. Thilpiak a diktatlounna:

Lai Siangthou a thilpiak a Pathian Biakna masapen Kaina leh Abel thillat ahi (Gen 4:1-5). Hiaite unau thillat apan Pathian pomtak thilpiak a diktatna om ahi chih amuh theih hi. Pathian in vualzawlina sa leh kha a hiai zah zouzai hon vuh lai a, Amah a ding a kipahna thillat or thilpiakte ngaihtuah pha hetlou ihihleh ihih khial kha ding hi. Toupa itung a a lungkim leh aleh tampi a vualzawlina hon pethei ahi chih iphaw a, thilpiak or thohlawm tuamtumte ginom leh diktat tak a ipiak ngeingei ding ahi. Pathian thilpiak a lunglut leh thilpiak a hausa Pathian, a tapa tang neihsun JESU hon pia. Amah isaan vang a khalam damna tungtawn a hiai tan salam a leng hon laamtou' Pa ahih chih phawk tawntung ni hang.

C. Omdan-gamtat a diktatlounna:

Pathian in a mihing bawlte a thupiak a diktatlounna ziaik in Amah tawh kikhin in om

mahleh, a bawl lai a a vualzawlina thusam, **chi tampi suang ding in hong pung unla, lei luah dim unla, na thuthu un omsak un** (Gen 1:28) chih la kiklou ahihman in mihingte hong pung in hong tam mahmah ta hi. Himahleh omdan-gamtat a ut leh dah a omna un a bawltu Pathian mahmah mihing a bawl ziaik in kisik sak zou tawp hi (Gen 6:6). Pathian a kisik kia hilou in Noa tungtawn in tuichim a leitung hihmanthat sawm ahihnan leh long bawlte bit ding ahihnan chialpina nasatak a nei masa in, omdan-gamtat a diktatlou leh bitna long sui dia chial a om a thumanglou te khat lel leng hawilou in hih mangthang sipsip hi (Gen 6-8). Jesu'n a nungzuete kiang, hun nanung Chiang a thil tung dingte a dot lai un, dawnna tampi a piakte lak ah tuichim tawh kisai hichibang in gen kha hi. **Noa hunlai mah bang in Mihing Tapa hongpai ni in leng a om ding. Aziaktuh, tuichim tunma, Noa long a alutma nite a mah bang in, ne leh dawn in a om ua, kiteng leh kiteng ding a piak khiak in a om uh. Tuichim a hongtun a, amaute a lakmang vek masiah bangmah phawklou in a om uhi (Mathai 24:37-39).** Unaute, I omdan leh gamtat dan kiveel pha chiat ni. Khovel a thiltung te'n I Toupa hongpai ding gamla nawnlou ding ahihnan leh genkhohlna tangtung lou tam nawnlou ahihnan hon phawksak mahmah. Amah hongpai kik nailou ahi thei. Himahleh na hinna bei thei gige ahihman in kigingsa a om gige kul lua hi.

D. Ngakzohna a diktatlounna:

Pathian in Abraham a sap in chi thupitak a bawl ding, vualzawl ding, amin hih thupi ding leh vualzawlina hiding in chiam hi (Gen 12:2).

Editorial zopna.....

Himahleh, Pathian thuchiam amah leh azi Sara tungtawn a chi suan ding hong zekai phetlou a mihing ngeina dan tanpha Sara tung a hong kap Chiang in, Pathian chih ngaksang in mihing lemgeelna zat in hong om a, Abraham in azi deihna leh lemgeelna tungtawn in Hagar apan Ismael hon nei a, tuni tanpha a Israelte a dia ling leh dai bang a umkual a dong kholh mahmah te suangtu hong himai mah hi (Gen 16). Pathian thu in bangchi or bang gen hiam? Chih pilvangtak a enkawm in paile hang, a tawpna hong dik na ding ahi. Ei lemgeelna Pathian chih dan leh deih dan tawh a kituak hia chih buk kak zel a, a kitaukhak hun a Pathian chih dan I vualzoh sak ding poimawh lua hi.

E. Sum-leh-pai a diktatlounna:

Thukhunthak a Nasepte laibu I et leh Jesu Khrist nungzui masate lak a thiltung mulkimhuai mahmah, nupa khat minute tamlou sung a a sihna thu uh kimu hi (Nasepte 5:1-11). A tangthu I theih chiat mah bang in, Anania leh Saphira te nupa gam zuak in, azuakna sum uh bangzah hiam amau a dia koih khen a, bangzah hiam tawi a Sawltakte kiang avek sipsip a tawi bang a a kigena thu uh ahi. A hih fuh het kei ua, a sum leh pai lel uh hilou in a hinna un a thuakloh hithet hi. Thukhunlui laibu 2Kumpipate 5:1-27 ah Naaman phak hihdam thu leh Jawlnei Elisa in kipahman a bangmah a laklouh thu ban ah, hihdam a om Naaman painung a nung delh a, Jawlnei sikha Gehaji in dikloutak a sum leh pai a va nget thu, Jawlnei in a hohna a dot a zuau a gen thu leh, Naaman phakna in amah amat thu kimu hi.

Unaute I piak leh laak ah pilvan na ding om mahmah hi. *Diktatlou tak a I piak thil bangkim thei leh mu, I Pathian in thei Chiang mahmah a, Muh ding or laakna ding omte kia buaipih a huaite kia poimawh ngaih a nei mite leng Toupa'n thei mahmah hi.* I Toupa Jesu'n **Lak sang in piak in lukhawng a nei zaw (Nasepte 20:35)** chi a Sawltak Paul in **Pathian in kipaktak a pe mi ahi a it chi hi (2Korinthte 9:7)**

Kumthak 2017 Piching Nipi Skul Hihchianbu order theih hunchiam tuni tan ahi. Mob. 8802161416 ah order theih ding hi.

KITHEHSAKNA POIMOH

Tulai koimun peuh ah sumtang haksatna i tuak ua, thilpiak thohlawm ding natan haksatna om hi. Huchih lai in khateng thilpiak khenkhat, sawmakhat, missionary vakna, anntangpham, etc te mobile/netbanking tungtawn a piaktheihna a om man in kizen mahmah a, zat leng i zang manpha semsem uhi.

Tuabang a i piak Chiang in ahihtheih liai leh NEFT payment option zang chiat ding in i kingen ahi. Option dang e.g. IMPS a kizat Chiang in a petu zonkhiaik ngai a, bang thilpiak pen hihiam chih kitheithei lou hi.

Huaiban ah thohlawm tuamtum te leng khentuamsa in a tuamtum (sawmakhat a tuam a pia, Missionary vakna a tuam a penawn chihdan) mah a piak hileh chiamtehna lam ah hon panpih mahmah hi.

Piakna detail finance@ebccdelhi.org hiam SMS/Whatsapp **9818687331** a leng theih sak theih gige ahi.

- Finance, EBCC Delhi

SUNNA HUNSEH KIZANG

Pu L Nengzatun (kum-101) f/o Nu Chinglian in taksa hatlounna leh upattaak ziaik in Dec. 1, 2016 nitak dak 8:30 in Lamka Damsawi inn ah hon beisan hi.

Dec. 1, 2016 nitak mah dak 10:00 in Pu Tun sunna hunseh, Pushp Vihar a Upa Khamkhanpau Guite Qtrs. ah neih in om hi. Hiai hunseh zat hun in Mipi hunkhop paikhawm in Pastor Biakson in khamuan na thu gen in lusun inkuante adia thumsakna leng nei hi.

A zing (2.12.16) baihtak in Nu Chinglian in apa luang delh in Lamka na zuan hi.

Lusun inkuante I thuakpih a, Toupa khamuanna I ngetsak hi.

ZCF DELHI' SINGSONG SERVICE AH

ZCF Delhi intekna a Nisim 3.12.16 a Mt Carmel Auditorium, Anand Niketan a Joint Advent Christmas leh Singsong Service kithuah ah ei saptuam a kipan tannei Worship Team leh Pastor H Biakson te leh mipi hunkhop va kihelthei uhi. Hun masa ah Pastor Biakson in sharing hun tang a, Message manpha lua toh ahun zangthei hi.